



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

58, 59, 60, 61,  
62, 63, 64, 65,  

---

66, 67, 68, 69, 70,  
71, 72, 73, 74, 75

2

L-85

2010 ;



5

# ՀԱՄԱՐԱՆ

2

ՀՈԳԵՇԱԶ ՊՍՏՄՈՒԹԵԱՆՅ

Ք Ա Ր Ո Ձ

ՏՕՆԱԿԱՆ

Ի ԽՈՐՀՈՒՐԻ Ա.Ի.Ա.Գ ՈՒՐԲԱԹՈՒ.

Տպագրեալ  
Հրամանաւ Վեհափառ Տեառն  
ՏեԱ.ՈՆ ԳԷՈՐԳԱՅ Դ,  
Աստուածընտիր Կաթողիկոսի Ամենայն Հայոց.



Ի ԹԷՂՈՒՍԻԱ,

Ի Տպարանի Խաչիպեան Ուսումնարանին.

1869 = ԹՅԺԸ.

9

2872-42

«Եթէ կրնաս ձայնդ բարձրացընել, խօսէ: Եթէ  
 Գիրք միայն Թողուն քովդ, գրէ: Փողոցին մէջ քա-  
 ըրի մը վրայ կանգնած՝ քարոզէ, Եթէ կրնաս. Եթէ  
 հրապարակական կեանքը փակ է, տանդ մէջ բան  
 սովորեցուր: Եթէ ձայն չունիս, օրինակ տալու կա-  
 րողութիւն ունիս: Այս ոչ առաքինութիւն է, ոչ  
 կարգէ դուրս գործողութիւն. այլ պարտք է՝ պարզ  
 ու յստակ: Աշխարհիս մէջ Աստուծոյ կողմանէ ա՛յն  
 եղիբ՝ ինչ որ է բժիշկը մարմնոյ հիւանդութեանց  
 համար. բժիշկը պարտական է հասնելու ամենայն  
 ցաւագարաց, եւ դու պիտի հասնիս ամենայն տգի-  
 տաց: Քու Ստեղծողը կենացդ համարը պիտի պա-  
 հանջէ քեզնէ: Յոյսդ մի՛ դներ բացասական առա-  
 քինութեան վրայ, որ միայն ուրիշի վնաս չընեն է.  
 քեզի օրէնք տրուած է որ հասարակաց գործոյն  
 համար աշխատիս, եղբարքդ սիրես, լուսաւորես,  
 մխիթարես, ազատես մոլութենէ ու մոլորութենէ,  
 եւ առ Աստուած առաջնորդես: Կեանքն ալ այս է,  
 մարդն ալ այս»:

ԺԻՒԼ ՍԻՄՈՆ,

(Իմաստասէր եւ Քաղաքագէտ գաղղխացի:)



11413-54

Дозволено Цензурою. Тифлисъ, 30 Октября 1868 г.

ՔԱՐՈՉ ՏՕՆԱԿԱՆ

Ի ԽՈՐՀՈՒՐԴ ԱԻԱԳ ՈՒՐԲԱԹՈՒ.



Վ սքանչելի եւ տեսիլ ահաւոր. զա-  
 րարիչն երկնի եւ երկրի այսօր տեսաք ի  
 խաչին»: Շարականին այս կարճ եւ ազդու  
 խօսքովը կձանուցանէ մայրն մեր սուրբ  
 Եկեղեցի իւր զաւակացը այսօրուան ահաւոր  
 խորհուրդը. խօսք մի որ աւելի կնմանի սաս-  
 տիկ զարմանքէ ու ապշութենէ առաջ եկած  
 լուութեան՝ քան թէ ծանուցման: «Ո՛վ սքանչելի եւ  
 տեսիլ ահաւոր. զարարիչն երկնի եւ երկրի այսօր  
 տեսաք ի խաչին»: Կարծես թէ այս էր արեգական  
 զգածմունքն ալ այսօր (եթէ ունենար զգածմունք),  
 որ սարսափելով խաւարեցաւ. «Տեսեալ զՏէրն ի Խա-  
 չին՝ խաւարեցաւ արեգակն». տաճարին վարագոյրը  
 վերէն ի վար ճեղքուեցաւ, գետինը շարժեցաւ, լեռ-  
 ները քարերը կոտորեցան, գերեզմաններ բացուե-  
 ցան ու մեռելներ յարութիւն առին: Հաւատացէք,  
 ո՛վ հաւատացեալք Քրիստոսի: որ այս կերպ լու-  
 թիւնը քան զամենայն խօսք եւ քան զամենայն ճար-  
 տասանութիւն պերճախօս է. ուստի եւ ես բաւական

պէտք էր համարէի ձեր միտքը ձգել միայն կարճ խօսքով այս ահաւոր եւ սքանչելի տեսարանը, եւ այնուհետեւ ձեզի թողուլ ամէն խորհրդածութիւն, ու ամէն տեսակ խրատ որ պէտք է առնուիք այսօրուան տօնէն:

Իսկ այս ասոր համար ո՞չ ապաքէն հարկաւոր է ձեզի մտքերն ի՞նչ բերել — գոնէ համառօտիւ — այսօրուան խորհրդոյն պատմութիւնը, այսինքն Քրիստոսի Տեառն մերոյ չարչարանացն ու խաչելութեանը պատմութիւնը: Ուրեմն առաջ այն տեսնեմք, եւ յետոյ այսօրուան արարողութեանց բացատրութիւնը տամք, որոց գլխաւորը կհամարուի գիշերային ժամերգութիւնը՝ որ ռամկօրէն կատուի յոմանց ողբի կամ շացի գիշեր, խաւարման գիշեր, sker մեղայի գիշեր եւ այլն:

Քրիստոսի Տեառն մերոյ մատնութեան պատմութիւնն անելով՝ այն տեղ դադրեցանք՝ որ Հրեայք բռնեցին զՅիսուս, կապեցին զգտուն անմեղ իբրեւ չարագործ մի, եւ տարին իրենց քահանայապետին տունը: Այն տարուան քահանայապետն էր Կայիափա, բայց նորա աները Աննա իւր քահանայապետ անունը ձգած չլինելով՝ առաջ նորա բնակարանը տարին զՅիսուս:

Յիսուսի աշակերտներէն մէկը, որ Յովհաննէս աւետարանիչը կկարծուի, քահանայապետին հետ ճանչուորութիւն ունէր. ուստի կրցաւ Յիսուսի ետեւէն մտնել մինչեւ քահանայապետին գաւիթը, այսինքն բակը կամ ազգարը: Նա տեսնելով որ Պետրոս առա-

քեալը հեռուանց Յիսուսի ետեւէն գալով՝ դռնէն դուրս կեցեր է, դռնապանին խօսք անցուց ու ներս առաւ զՊետրոս:

Քահանայապետին ծառաներն ու սպասաւորները բակին մէջ կրակ վառած կտաքնային, եւ ինչպէս որ բնական էր՝ Յիսուսի բռնուելուն վերայ կխօսէին իրարու հետ. Պետրոս ալ նոցա հետ կեցած կտաքնար, եւ առանց նոցա խօսակցութեանը մէջ մտնելու՝ կմտածէր տրտում ախուր՝ թէ այս բաներուն ծայրը արդեօք ո՞ւր պիտի երթայ:

Աննա քահանայապետը այնպիսի հարցմունքներ արաւ Յիսուսի որ կարենայ բերնէն խօսք մի առնուլ Մովսիսի օրինացը դէմ, եւ կամ Հռովմայեցոց կայսերական օրինացը հակառակ, եւ անով պատճառ գտնէ մահապարտ վճռելու զՅիսուս: Իսկ Տէրն մեր պատասխանեց թէ ես ինչ որ քարոզեր եմ՝ յայտնապէս քարոզեր եմ ժողովրդոց մէջ ու տաճարը. այնպիսի բան մի չեմ տսած որ հարկ լինի ծածկել կամ պահել. ինձ ի ինչո՞ւ կհարցընես. լսողներուն հարցուր, թող նոքա վիայեն: Նա որ այն խօսքն ասաց, այնտեղ կեցող սպասաւորներէն մէկը ապտակ (շարճառ) զարկաւ Յիսուսի՝ ասելով. «Ա՞յդպէս պատասխանի տաս քահանայապետիդ». — Քահանայապետ մարդ ու պատասխանն այդ կերպով կուտաս: Յիսուս դարձաւ ասաց այն յանդուգն ծառային. «Եթէ չար ինչ խօսեցայ, վիայեա վասն չարին. իսկ եթէ բարի, ընդէր հարկանես զիս». այսինքն, թէ որ ասածս ծուռ կամ

գէշ բան է, ու քեզի կհարցընեն, վկայութիւն տուր ծուռ լինելուն. իսկ եթէ շիտակ ու բարի բան է ա- սածս, ինչո՞ւ կզարնես ինձի, եւ ինչ իշխանութեամբ: Այս խօսքը քահանայապետին ալ մեծ յանդիմանու- թիւն էր. բայց շատ անգամ մեծերը իրենց ծառա- ներուն ու շողորթներուն լրբութեանը իրենք պատճառ կլինին. ո՞վ կրնայ խղճմտանքի բերել զա- նոնք որ սաստեն այնպիսի սպասաւորաց:

Աննա քահանայապետը չարձըկեց Յիսուսի անի- րաւ կապանքը, այլ նոյնպէս կապած յուզարկեց իւր փեսին՝ Կայիափայի, որոյ տունը ժողովուած էին դը- պիրներն ու ծերերը. յետոյ ինքն ալ գնաց, ու խոր- հուրդ կանէին թէ ինչպէս դաննեն քանի մի սուտ վկայութիւններ որ սպաննեն զՅիսուս: Որը այս կա- սէր՝ որը այն, բայց մէկուն վկայութիւնն ալ միւսին չէր նմաներ: Վերջապէս երկու սուտ վկաներ առաջ անցան ու ասին. Մեք լսեցինք դորա ասածը թէ ես կարող եմ այդ տաճարը որ մարդու ձեռքովը շի- նուած է՝ քակել, եւ երեք օրուան մէջ մէկ ուրիշը շինել՝ առանց ձեռագործի: Բայց դարձեալ երկու- քին վկայութիւնը մէկմէկու նման չէր. թող որ Յիսուս չէր ասած թէ ես պիտի քակեմ այդ տաճա- րը, հապա թէ Դուք քակեցէք, կամ պիտի քակէք, ու ես երեք օրուան մէջ պիտի կանգնեմ. այն ալ ոչ թէ նիւթական տաճարին համար էր, հապա իւր մարմնոյն մահուանն ու երեքօրեայ յարութեանը համար:

Այն ատեն քահանայապետը գոռոզութեամբ ու սուտ ծանրութեամբ ոտք ելաւ, առաջ անցաւ եւ ասաց Յիսուսի. «Ձոռս ինչ պատասխանի. զինչ դոքա ամ- բաստանեն զքէն».—Պատասխան չէս տար. անս դոքա ինչեր կասեն քեզի համար: Յիսուս լուռ կեցաւ, ա- մենեւին պատասխան չտուաւ, վասն զի կտեսնէր մէկ կողմանէ սրտագէտն՝ որ քահանայապետին հարց- մունքը բոլորովին կեղծաւորական էր, եւ ամենեւին այն չէր միտքը որ ընդունի իւր պատասխանն ու արդար դատաստան կտրէ. միւս կողմանէ վկաներուն ասածները յայտնապէս հակառակ լինելով մէկմէկու՝ աւելորդ էր անոնց ստութիւնը յանդիմանելը:

Յիսուսի լռութենէն առնուածի պէս եղաւ ամբար- տաւան քահանայապետն ու նորէն հարցուց անոր. Աստուծոյ կենդանւոյ անունովը կերգուընցընեմ զքեզ. ասա մեզի, գո՞ւն ես մեսիան՝ ամենաբարի Արարչին Որդին, ինչպէս որ շատ մարդիկ կասեն. «Երգմե- ցուցանեմ զքեզ յԱստուած կենդանի, զի ասացես մեզ՝ թէ գո՞ւ ես Քրիստոսն՝ Որդի Աստուծոյ օրհնե- լոյն»: Յիսուս արժան համարեցաւ պատասխան տալ քահանայապետին այն խօսքին՝ միայն անոր համար որ Աստուծոյ անուամբը կստիպէր զինքը. բայց այն պատասխանն ալ եղաւ յիրաւի աստուածային պատաս- խանի՝ որ կայծակի պէս զարկաւ կեղծաւոր քահա- նայապետին սրտին. Դուն քու բերնովդ մտքիդ վկայա- ծը խոստովանեցար. «Դու ասացեր». եւ իսկոյն վրայ բերաւ թէ Բայց դուք իմ ճշմարտապէս Որդի Աս- տուծոյ լինելու այն ատեն պիտի հասկընաք՝ երբոր

երկրորդ անգամ աշխարհք կուգամ ամպերուն վերայ հայրական փառօք, եւ ոչ թէ այսպիսի խոնարհական ու խեղճ կերպարանօք: Քահանայապետին լըսել ուզածն ալ այսպիսի խօսք մի էր. մէկէն պատուեց իւր վերայի հագուստն ու աղաղակեց. « Հայհոյեաց. զի եւս պիտոյ են մեզ վկայք. ահա արդ լուայք զհայհոյութիւն դորա, զինչ հաճոյ է ձեզ ». — Ահա հայհոյութիւն արաւ. այսուհետեւ վկայ ինչ հարկաւոր է մեզի. դուք ալ լսեցիք դորա հայհոյութիւնը. ինչ կասէք: Նոքա մէկ բերան պատասխանեցին թէ « Մահապարտ է »: Արձըկեցին ժողովը, եւ զՅիսուս յանձնեցին սպասաւորաց ու զինուորաց որ պահպանութիւն անեն անոր մինչեւ առաւօտ: Իսկ նոքա ըստ սովորութեան անգութ եւ ամբարիշտ մարդոց, որ զուարճութիւն կհամարին իրենց՝ չարչարել ու ծաղրանել անմեղներն ու խեղճերը, գուցէ նաեւ իրենց մեծերուն յորդորանօքը, ամէն տեսակ նախատական խօսքեր կասէին Յիսուսի. կթըքնէին պիլծ բերանով նորա աստուածային երեսը, եւ գլխուն կզարնէին բռնցի (եռւնուխներով). երեսը լաթ մը կձգէին որ չտեսնէ, ու զանազան տանջանքներ տալէն ետեւ՝ ապտակներ կիջեցընէին երեսին ու կասէին. Դու մեսիան չես մի. մարգարէացիր տեսնեմք, ո՞վ էր քեզի զարնօք:

Այն միջոցին Պետրոս վարը՝ տանը բակին մէջ սպասաւորներուն հետ նստած կտաքնար: Ինչ փորձանքաւոր բան է չար մարգկանց ընկերութենէն չըզգուշանալը, հեռու չփախչիլը: Քահանայապետին

դռնապան աղախինն եկաւ մօտեցաւ քովը, նայեցաւ երեսն ու ասաց. Դու ալ Յիսուսի նազովրեցւոյ հետն էիր. կերեւի որ նորա աշակերտներէն ես: Պետրոս ամենուն առջեւն ուրացաւ ու ասաց թէ ես այն մարդը ամենեւին չեմ ճանչնար, ո՞վ կնիկմարդ, եւ չեմ գիտեր թէ ինչ ասել կուզես: Այս խօսքէն ետեւ դրսի բակն որ ելաւ, աքաղաղը խօսեցաւ: Դռնէն դուրս ելած ժամանակը ուրիշ աղախին մի տեսաւ զՊետրոսն ու ասաց քովիններուն. Սա ալ Յիսուսի նազովրեցւոյ հետն էր: Մարդուն մէկը հարցուց խկոյն Պետրոսի՝ թէ Յիրաւի դուն ալ այն մարդուն աշակերտներէն մէկն ես: Նորէն ուրացաւ Պետրոս, ու երգում անելով ասաց թէ ես այն մարդը չեմ ճանչնար: Մէկ ժամէն ետեւ քովի մարդիկը դարձան ասին իրեն. Յիրաւի դուն ալ ի նոցանէ ես. վասն զի գալիլիացի ես, ինչպէս որ խօսակցութեանդ առմկական կերպերէն յայտնի է: Ծառաներէն մէկն ալ, որ ազգական էր այն Մաղքոսին՝ որոյ ականջը կտրեր էր Պետրոս, ասաց. Ո՞չ ապաքէն ես իմ աչքովս տեսայ պարտիզին մէջ որ դուն նորա հետն էիր, Այն տեսն Պետրոսին ճարը հատած՝ սկսաւ ասել թէ Աստուած ինձի այսպէս եւ այնպէս անէ՝ թէ որ հասկընամ թէ ինչ ասել կուզէք. ել դում կանեմ որ ձեր ասած մարդը ես ամենեւին չեմ ճանչնար: Խօսքը դեռ բերանն էր, աքաղաղը երրորդ անգամ խօսեցաւ, ինչպէս որ Յիսուս գուշակիւր էր: Այն տեսն դարձաւ մարգասէր Փրկիչն մեր ու նայեցաւ ներսէն Պետրոսի վերայ: Իսկոյն Պետրոսի միտքն



ընկաւ Յիսուսի խօսքը, գուրս ելաւ ու դառն ար-  
ցունքներ թափելով՝ լացաւ չարաչար որ այնպէս  
անզգոյշ եւ ապերախտ գանուեցաւ իւր սիրելի վար-  
դապետին դէմ ու սնոտի վախէն յաղթուած ուրա-  
ցաւ զինքը:

Ուրբաթ առաւօտը լուսանալուն պէս՝ ժողովուեցան  
Հրէից քահանայապետներն ու բոլոր գլխաւորները,  
վճռեցին որ սպանեն զՅիսուս, եւ միայն իբր թէ  
դատաստանի կարգը տեղը տանելու համար՝ իրենց  
ատեանը բերել տուին զինքն ու ասին. Թէ որ մե-  
սիան դուն ես, ասա որ գիտնամք: Պատասխանեց  
Յիսուս. եթէ ասեմ ձեզ թէ ես եմ, գիտեմ որ պի-  
տի չհաւատաք. եւ եթէ հարցընեմ թէ ինչ բանի  
համար բռնեցիք զիս, կամ թէ յանցանքս ինչ է,  
ամենեւին մտիկ պիտի չանէք, եւ զիս արդէն դա-  
տապարտած լինելով՝ պիտի չարձրկէք. բայց միայն  
այսքանս ասեմ ձեզի որ այսուհետեւ զիս պիտի ատե-  
նէք Հօր Աստուծոյ աջ կողմը բազմած: Կանչեցին ա-  
մէնքը միաբերան եւ ասին. Թէ որ այդպէս է՝ դուն  
ես Աստուծոյ Որդին: Յիսուս պատասխանեց. Դուք  
ձեր բերնովը կասէք ճշմարիտը: Ս.յն ատեն սկսան  
կանչուըռտել ամէնքը թէ Ուրիշ ինչ վկայութիւն  
պէտք է մեզի. մեր ականջովը լսեցինք որ խոստովա-  
նեցաւ՝ թէ ինքը հայհոյիչ է օրինաց:

Ելան ամէնքը մեծ բազմութեամբ, կապեցին զՅի-  
սուս եւ առին տարին Պոնտացի Պիղատոս գատաւո-  
րին՝ որ հռովմայեցի էր ազգաւ, եւ Հռովմայեցւոց  
տէրութեան կողմանէ Հրէաստանի Գործակալ, կամ

երուսաղեմի Կուսակալ, Հրեաները ներս չմտան, իբր  
թէ այն մտքով որ հեթանոսի տունը ոտք կոխելով  
չպղծուին, ու կարենան սրբութեամբ ուտել իրենց  
զատկական դառը: Կատարեալ փարիսական կեղծաւո-  
րութիւն ու հրէական խղճահարութիւն: Ս.յն չէին  
նայեր որ իրենք՝ մէկ երկու ժամ առաջ՝ ընդդէմ  
օրինաց խորհրդի նստեր ու մահու դատաստան կըտ-  
րեր էին, եւ կլախնային որ հեթանոսի տուն մըտ-  
նելով չպղծուին:— Պիղատոս գուրս ելաւ ու հարցուց  
Հրէից գլխաւորներուն թէ ինչ գանգատ կամ ինչ  
ամբաստանութիւն ունիք այդ մարդուն դէմ: Նորա  
լրբութեամբ պատասխանեցին. Թէ որ այն մարդը  
չարադործ չլինէր, չէինք մատներ զինքը քու ձեռ-  
քըդ:— Ուրեմն, ասաց Պիղատոս, առէք զինքը ձեզի,  
ձեր օրէնքովը տեսէք գորա դատաստանը: Հրեայք  
պատասխան տուին թէ Մեք իշխանութիւն չունիմք  
մարդ մեզընել տալու: Մեք այս մարդը գտանք որ  
մեր ազգը մոլորցընելու ետեւէ է. այն բաւական չէ,  
չթողուր որ կայսեր տրուելու տուրքը վճարեմք, եւ  
կասէ թէ ինքը մեսիան է, ուստի Թագաւոր է: Նո-  
րէն ներս մտաւ Պիղատոս, հարցուց Յիսուսի թէ Դու  
Հրէից թագաւորն ես: Յիսուս պատասխանեց. Բեզմէ  
կասես այդ բանը թէ ուրիշներն ասին քեզի:— Մի թէ  
ես ալ Հրեայ եմ, ասաց Պիղատոս, որ ձեր ազգին  
բաները գիտնամ, կամ մեսիային ո՞վ լինելուն տեղե-  
կութիւն ունենամ. քու ազգդ ու քահանայապետ-  
ներդ են զքեզ իմ ձեռքս տուողները. ուրեմն ասա՝  
ինչ գործի տէր ես դուն:— «Իմ արքայութիւն չէ

յայտմ աշխարհէ» պատասխանեց Քրիստոս. իմ թագաւորութիւնս այս աշխարհին վրայ չէ. թէ որ ես այս աշխարհին թագաւորը լինէի, իհարկէ սպասաւորներ կունենայի ինծի համար կռուըտող՝ որ Հրէից ձեռքը չընկնիմ: Պիղատոս պատասխան տուաւ թէ Ուրեմն դու թագաւոր մի ես: — Դուն քու բերնովդ կվկայես որ թագաւոր եմ. բայց ես այս միայն ասեմ թէ ես աշխարհք եկեր եմ՝ ճշմարտութիւնը քարոզելու համար. ուստի ո՛վ որ ճշմարտութեան կողմն է՝ նա իմ խօսքս մտիկ կանէ: Պիղատոս՝ որ պաղ եւ թեթեւամիտ հեթանոսին մէկն էր, հեզնական կերպով հարցուց Յիսուսի թէ «Զինչ է ճշմարտութիւն».

— Ըշմարտութիւնն ինչ բան է. — եւ առանց պատասխանին ալ սպասելու՝ նորէն ելաւ ասաց Հրէից թէ «Ես չգտանեմ ինչ վնաս յառնս յայսմիկ». — Այս մարդուն վրայ յանցանք մի չեմ գտներ: Քահանայապետներն ու ծերերը շատ չարախօսութիւններ արին Յիսուսի վրայ, բայց նա պատասխան չտուաւ: Պիղատոս դարձաւ հարցուց Յիսուսի թէ Պատասխան չես տար. մի թէ չես լսեր՝ սրբան բաներ կասեն սօքա քեզի դէմ: Իսկ Յիսուս նորա խօսքին ամենեւին չպատասխանեց. այնպէս որ դատաւորը շատ զարմացաւ:

Անդին Հրեաները չարախօսութիւն անելէն չէին դադրեր. ժողովրդեան մէջ խռովութիւն կձգէ՝ կասէին, եւ ծուռ բաներ կսովրեցընէ ամենուն ամէն տեղ՝ Գալիլիայէն սկսած մինչեւ Երուսաղէմ: Պիղատոս երբոր իմացաւ թէ Յիսուս Գալիլիացի է, հրամայեց որ առնուն զինքը՝ Հերովդեսի տանին, որ Գա-

լիլիոյ չորրորդապետը՝ այսինքն կուսակալն էր, եւ այն օրերը Երուսաղէմ եկած էր, ինչպէս որ կերեւի՝ զատկի տօնին համար:

Հերովդէս շատ ուրախացաւ երբոր տեսաւ զՅիսուս. վասն զի անունը շատոնց լսած էր, ու արդեօք ինչ մարդ է ասելով՝ շատ կցանկար զինքը տեսնել. յոյս ալ ունէր որ Յիսուս իւր առջեւը հրաշք մի գործէ, որ ինքը զուարճանայ կամ հաւատայ. այն մարդկանց նման որ չեն ուզեր հաւատոյ այս կամ այն մասին հաւատալ՝ առանց Ատուծոյ մէկ հրաշքը իրենց աչքովը տեսնելու: Ուստի զանազան պարապ իրենց աչքովը տեսնելու: Ուստի զանազան հարցմունքներ արաւ Յիսուսի, բայց նա ամենեւին պատասխան չտուաւ: Նեղացաւ ունայնամիտ իշխանը. միտքը դրաւ թէ կամ խաբեբային մէկն է Փրկիչն մեր եւ կամ պակասամիտ մարդ. ուստի ծաղր անելու մտքով ճերմակ հագուստ մի ձգել տուաւ վերան — որ խենթերու նշան էր — ու նորէն դարձուց Պիղատոսի: Հերովդէս ու Պիղատոս մինչեւ այն օրը թշնամի էին իրարու. բայց Հերովդէս կարծելով որ Պիղատոս՝ նորա պատիւը պահելու մտքով յուզարկեր է զՅիսուս, սրտին աղէկ եկաւ, եւ այնուհետեւ հաշտուեցան մէկմէկու հետ:

Կանչեց Պիղատոս քահանայապետները, իշխաններն ու բոլոր ժողովուրդը, եւ ասաց անոնց. Այս մարդը առիք բերիք ինծի որ իբր թէ ժողովուրդը գլխէ կհանէ. ես ձեր առջեւը քննութիւն արի, ձեր ասած յանցանքներուն նման բան մի չգտայ վերան: Միայն ես չէ, Հերովդէսն ալ չգտաւ, որովհետեւ

նորա յուզարկեր էի զինքը: Յայտնի է ուրեմն որ մեռնելու արժանի յանցանք մի գործած չունի. խրատեմ զինքը ծեծով ու արձըկեմ: Երբոր նոքա չհաւանեցան, մտածեց Պիղատոս թէ Հրէից մէջ սովորութիւն կայ որ ամէն տարի զատկին օրը մէկ յանցաւորի մի անունը կուտայ ժողովուրդը, եւ դատաւորը բանաէն կհանէ կարճըկէ այն մարդը: Նոյն միջոցին անուանի մարդասպան աւազակ մի կար բանաը՝ անունը Յեսու Բարաբբա: Պիղատոս ուզելով որ Հրէից քարացեալ սիրտը կակըղցընէ ու Յիսուսի վրան գուժ շարժէ, ասաց նոցա. Այս երկուքէն ո՞րը կուզէք որ արձըկեմ ձեզի այս զատկիս. Յեսու Բարաբբան թէ Յիսուսը՝ որ Քրիստոս (մեսիա) կանուանէք: — Այս խօսքին ժամանակը Պիղատոսի կինը մարդ յուզարկեց անոր ու ասաց. Ձեռքդ քաշէ այդ արդար մարդուն դատաստանէն, վասն զի այս գիշեր սոսկալի երազներ տեսայ ես դորա համար. «Ձկայ ինչ քո եւ արդարոյն այնորիկ, զի բազում անցք անցին ընդ իս այսօր յանուրջս վասն դորա»:

Քահանայապետներն ու ծերերը խրատ տուին ժողովրդեան որ Բարաբբային արձըկուելիը խնդրեն, իսկ զՅիսուս մեռցընեն: Ուստի ժողովուրդն սկսաւ կանչել թէ Բարաբբան թող արձըկուելի: Հարցուց Պիղատոս թէ Հապա ինչ անեմ զՅիսուս. «Իսկ զի արարից զՅիսուս զանուանեալն Քրիստոս»: Ամէնքը մէկէն աղաղակեցին թէ «Խաչեսցի». — Թող խաչուի. — Յանցանքը ինչ է, ասաց Պիղատոս երկու երեք անգամ: Նոքա եւս առաւել կանչուըռտելով կասէին, Թող խաչուի:

Այն ատեն Պիղատոսը առաւ զՅիսուս՝ ծեծել տուաւ: Ձինուորներն անով գոհ չլինելով, եւ անշուշտ Հրեաներուն հաճոյքը կատարելու մտքով, վրան ժողովուեցան բազմութեամբ. հագուստը հանեցին, հին քղամիդ՝ այսինքն ծիրանիէ լաթ ձգեցին կռնակը՝ իբրեւ թագաւորութեան նշան, փուշերով շինած սլակ դրին գլուխը, աջ ձեռքն ալ եղէգ մի տուին գաւազանի



տեղ, սկսան ծաղր անել զինքն ու ասել. «Ողջ կեցիր, Հրէից թագաւոր»: Յետոյ կթըքնէին երեսը, կառնէին ձեռքէն եղէգն ու անով գլխուն կզարնէին, ծնկի վրայ գալով սուտ երկրպագութիւն կանէին առջեւը, եւ ապասկ զարնելով կծեծէին: Պիղատոս՝ թուլութեանէն ալ աւելի անգթութիւնն ու անիրաւութիւնը յայտնի արած էր մինչեւ այն ատենը. դարձեալ յոյս ունէր որ աղատէ զՅիսուս Հրէից ձեռքէն՝ առանց նոցա տհաճութիւն պատճառելու. ուստի առաւ զՓրոկիչն մեր այն խեղճ կերպարանքովը, գլուխը փշէ

պսակ, եւ վրան ծիրանի քղամիդ, դուրս հանեց ու  
ասաց Հրէից. «Ահա այրդ ցձեզ». — ահա ձեզի այս  
մարդը. ես վրան մէկ յանցանք մի չգտայ:

Քահանայապետներն ու նոցա մարդիկը զՅիսուս  
տեսածներուն պէս սկսան կանչուըռտել. «Ի խնչ հանի  
ի խնչ հան զդա». — Խնչ հանէ այդ մարդը: —  
Դուք առէք, ասաց Պիլատոս, ու դուք խաչեցէք. ես  
դորա վրայ յանցանք չեմ գտներ: Հրեաները պատաս-  
խանեցին թէ Մեք օրէնք ունիմ. մեր օրինաց զօրու-  
թեամբը պէտք է որ մեռնի, վասն զի ինքզինքը Աս-  
տուծոյ Որդի անուանեց: «Մեք օրէնս ունիմք, եւ ըստ  
օրինաց մերոց պարտի մեռանել, զի զանձն իւր Որդի  
Աստուծոյ արար»: Այս որ լսեց հեթանոս դատաւորը,  
աւելի վախցաւ որ մի գուցէ ինքն ալ Աստուծոյ մէկ  
պատիժը բերէ իւր գլխուն: Գնաց նորէն Յիսուսի  
քովն ու ասաց. «Ուստի ես դու». — Ինչ ցեղէ ես:  
Յիսուս պատասխան չտուաւ: Պիլատոսին ծանր եկաւ  
այս բանս. «Ընդ իս ոչ խօսիս» ասաց. — Ինձ թ հետ չես  
խօսիր. չես գիտեր որ իշխանութիւն ունիմ զքեզ խաչ  
հանելու, եւ իշխանութիւն ունիմ զքեզ արձրկելու:  
Եւ այս խօսքով ինքզինքը կգատապարտէր անիրաւ  
դատաւորը. վասն զի եթէ յիրաւի իշխանութիւն  
ունէր արձրկելու անմեղ եւ արդար անձը, ոչ ապա-  
քէն պարտական էր արձրկել զինքը, եւ ոչ թէ հրա-  
ման տալ որ խաչ հանուի: Ուստի Տէրն մեր պատաս-  
խանեց անոր. Դուն իմ վրաս այդ կարծեցեալ իշ-  
խանութիւնն ալ չէիր ունենար՝ թէ որ ի վերուստ  
Աստուծմէ առած չլինէիր. բայց որովհետեւ ունիմ

կատես, ու ի բարին չես գործածեր իշխանութիւնդ,  
քեզի համար մեծ մեղք է. իսկ զիս քու ձեռքդ  
մատնողին մեղքը հարկաւ շատ աւելի մեծ է. «Որ  
մատնեացն զիս քեզ՝ նորա մեծ մեղք են»:

Պիլատոս Յիսուսի այս խօսքէն շիտաժամ՝ սկսաւ  
աւելի աշխատիլ որ արձրկէ զինքը: Հրեայք այն որ  
տեսան՝ ասին իրեն. «Եթէ զդա արձակես, չես բա-  
րեկամ կայսեր». — Թէ որ դուն այդ մարդը արձը-  
կես, նշան է թէ կայսեր բարեկամ չես. սլ որ ինք-  
զինքը թագաւոր կանուանէ՝ թշնամի է կայսեր: Մեր  
օրէնքը սոքի տակ առնող մարդ է ասելէն երբոր շահ  
չտեսան, ու զեցին քաղաքական օրինաց դէմ յանցա-



ւոր երեւցընել զՅիսուս: Զարմանքը Հրէից չարամիտ  
հնարքը չէ, Պիլատոսի երկչոտ ու մարդահաճոյ բնա-  
ւորութիւնն է՝ որ այն խօսքով բոլորովին պաշարուե-  
ցաւ: Դուրս հանեց զՅիսուս, ելաւ նստաւ կապալաթա,

այսինքն Քառասնամյա ասուած հրապարակը՝ բարձր  
 աթոռի վրայ, եւ ասաց չրէից. «Ահա թագաւորդ  
 ձեր ցձեղ». — Ահա ձեր թագաւորը ձեզի: Նոքա իս-  
 կոյն աղաղակեցին. «Բարձ ի մէնջ, բարձ ի մէնջ եւ  
 հան զգա ի խաչ». — վերցուր մեր մէջէն այդ մար-  
 դը, վերցուր՝ խաչ հանէ: — Ես ձեր թագաւորը խաչ  
 հանեմ, ասաց Պիղատոս: — Մեք կայսրէն ի գառ թա-  
 գաւոր չունիմք, պատասխանեցին Հրեաները. «Չիք  
 մեր թագաւոր՝ բաց ի կայսերէ»:




Տեսաւ Պիղատոս որ պիտի չկարենայ խօսք հաս-  
 կըցընել չրէից, եւ քանի կերթայ՝ խռովութիւնը  
 կշանայ, ջուր բերել տուաւ, լուաց ձեռքերը կեղ-  
 ծաւորութեամբ ժողովրդեան առջեւն ու ասաց.  
 «Բաւեալ եմ ես յարենէ արդարոյդ այդորիկ. գուք  
 գիտասջիք». — Ես այդ արգար մարգուն արիւնէն  
 անպարտ եմ. մեղքը ձեր վիզը: Նոքա ամէնքը միա-

բերան կանչուըռտեցին. «Արիւն դորա ի վերայ մեր  
 եւ ի վերայ որդւոց մերոց». — Դորա արիւնը մեր վրայ  
 ու մեր զաւակացը վրայ:

Չէին գիտեր ողորմելի Հրեաները թէ ինչ սոսկա-  
 լի անէ՞ք էր այն՝ որ իրենց բերնովը իրենց բոլոր  
 ազգին ու սերնդոցը վրայ կբերէին. եւ միթէ մինչեւ  
 ցայսօր այն աստուածային անմեղ արիւնը չրէից  
 ճակատին վրայ կնքոյ պէս դրոշմուած չէ. որով եւ ա-  
 տելի են այն ամենայն ազգաց՝ թէ քրիստոնէից եւ  
 թէ օտարաց՝ որոց մէջ ցրուած կընակին:

Վերջապէս Պիղատոս ժողովրդեան կամքը կատա-  
 րել ուզելով՝ Բարաբբան արձրկեց, եւ զՅիսուս ծե-  
 ծել տալէն յետոյ, ինչպէս որ սովորութիւն էր՝ խա-  
 չելու մարդիկը առաջ ծեծել, տուաւ նոցա ձեռքն  
 որ տանին խաչ հանեն:

Խաչի վրայ կախելով կամ գամելով մեռցընելը՝  
 ուրիշ ամէն տեսակ պատիժներէն աւելի նախատական  
 ու անարգ կհամարուէր. ուստի միայն չարագործ ա-  
 շաղակներու պահուած պատիժ էր: Հրեայք ուղեցին  
 որ Յիսուս ոչ միայն խաչ հանուի, հապանաւ ուրիշ  
 երկու աւազակներու հետ ի միասին խաչուի, որպէս  
 զի անոնց հաւատար երեւնայ: Տուին զինուորներն ա-  
 հագին խաչափայտը Յիսուսի կըռնակը, եւ առին  
 տարին դէպի Փողգոթա աստուած լեռնակը՝ որ մահա-  
 պարաներու գլուխը կտրելու տեղ էր: Ճամբան տես-  
 նելով որ Տէրն մեր սաստիկ չարչարուած լինելով՝  
 կարողութիւն չունի խաչափայտը տանելու, Սիմոն  
 Կիրեանացի անունով մէկը բռնեցին — որ Յիսուսի ա-



շակերտներէն մէկը կկարծուի, — եւ նորա կռնակը տուին խաչն որ Յիսուսի ետեւէն բերէ: Ժողովուրդը մեծ բազմութեամբ կերթար այն ողբալի տեսարանը տեսնելու, որը սրտին չարութիւնը պագեցընելու մտքով, որը պարսաւելի հետաքրքրութեամբ, որը




միամտութեամբ, որն ալ ցաւակցութեամբ, ինչպէս ահա կտեսնուի անոնք աւետարանը՝ թէ կանանց բազմութիւնն ալ մեծ էր՝ որ լալով ողբալով կերթային ետեւէն: Յիսուս դարձաւ ու ասաց նոցա. Ո՛վ Երուսաղեմի զաւակներ, իմ վրաս մի լաք, հապա ձեր վրայ ու ձեր զաւակացը վրայ լացէք. վասն զի օրեր պիտի գան որ դուք եւ նոքա երանի պիտի տաք անզաւակ մայրերուն. լեռներուն պիտի ասէք թէ փլէք ընկէք մեր վրայ, բլուրներուն պիտի ասէք թէ ծածկեցէք զմեզ ձեր ներքեւը. Զի եթէ ընդ փայտ դալար զայս

առնեն, ընդ չորն զինչ լինիցի». — Թէ որ ինծի պէս կանանչ ու մորչ փայտին (այսինքն անմեղ եւ անարատ անձին) գլուխը այս բաները կուգան, հապա չորին (մեղաւորներուն) գլխուն ինչէր կան գալիք: Ինչպէս որ եղաւ նոցա՝ Երուսաղեմի պաշարման ու աւման ժամանակը:

Սուրբութիւն մի կար որ մահապարտները խաչ հանելէն առաջ՝ զինի կիսմցընէին նոցա, որպէս զի քիչ մը աւելի երկար գիմանան այն ցաւերուն որ պիտի քաշէին: Հրեայք զինիին մէջ լեզի խառնեցին, հեան ալ զմուռ, որպէս զի աւելի կարուկ ու սաստիկ լինի խմելիքը, եւ երբոր Գողգոթա հասան՝ տուին որ խմէ. Յիսուս համն որ առաւ՝ չկամեցաւ խմել՝ որպէս զի ցաւերուն սաստիկութիւնը չպակսեցընէ:

Կէսօրուան երեք ժամ մնացած էր, խաչ հանեցին զՅիսուս. հեան ալ երկու աւազակ խաչեցին, մէկը աջ զին եւ միւսը ձախ կողմը: Յիսուս այն վերջին ժամանակն ալ իւր սննդաւ մարգասիբութիւնը եւ անօխակալութիւնը ցուցընելով ասաց առ Հայրն երկնաւոր. «Հայր, թող գոցա, զի ոչ գիտեն զինչ գործեն». — Հայր իմ, թողութիւն տուր, ներէ սոցա, վասն զի չեն գիտեր՝ ինչ է արածները. այնպէս կուբցեր են ատելութեամբ որ չեն կրնար ըստ արժանւոյն հասկընալ իրենց անօրէնութեան, անիրաւութեան եւ անգթութեան ծանրութիւնը:

Խաչահանու զինուորաց գլխաւորները չորս հոգիէին: Սոքա զՅիսուս խաչելէն ետքը առին հագուստ ներքը, չորս կտոր արին ու բաժնեցին մէջեւնին. իսկ



պատմութեանը կամ կապան՝ որ անկար էր վերէն ի վար, ասին իրարու որ չպատուեմք, հապա վիճակ ձգեմք, ում որ ելնէ՝ անորը թող լինի: Այս բանս ալ արդէն մարգարէացած էր Գաւիթ, որ կասէ սաղմոսին մէջ Քրիստոսի բերնէն. «Բաժանեցին զհանգերձըս իմ յիւրեանս, եւ ի վերայ պատմութեանի իմոյ վիճակս արկանէին»: — Հագուստներս իրենց մէջ բաժանեցին, ու կապայիս վրայ վիճակ ձգեցին:

Պիղատոս տախտակի մի վերայ այս խօսքերս գրեց երեք լեզուաւ, այսինքն հրեարէն, լատիներէն ու յունարէն, եւ խաչին գլուխը գամել տուաւ. ՅԻՍՈՒՍ ՆԱԶԱՐԵՏԻ ԹԱԳԱՒՈՐ ՀՐԷՒՅ: Քահանայապետներն ասին Պիղատոսի թէ թագաւոր Հրէից մի գրեք, հապա գրէ թէ ինքզինքը թագաւոր Հրէից անուանեց: Պատասխանեց Պիղատոս. «Ձոր ինչ գրեցի՝ գրեցի»: — Գրածս գրած է, փոխել չեմ ուզեր:

Երբոր ժողովուրդը կեցած կնայէր, ոմանք Յիսուսի առջեւէն կանցնէին կգառնային, ու ծաղր անելով՝ գլուխնին շարժելով կասէին. Ախոս քեզի, դուն որ տաճարը պիտի քակէիր ու երեք օրէն պիտի շինէիր, ինքզինքդ ազատէ տեսնեմք. թէ որ Աստուծոյ Որդին ես՝ այդ խաչէն վար իջիր: Քահանայապետներն ու կարգացողներն ալ նոյնպէս հեգնելով կասէին. «Ձայլս ապրեցոյց, զանձն ոչ կարէ ապրեցուցանել»: — Ուրիշները ազատեց զանազան հիւանդութիւններէ ու մահուանէ, ինքզինքը չկրնար ազատել. ուր է տեսնեմք, թող այդ մեծիան՝ Հրէից թագաւորը իջնայ այժմ խաչէն, իսկոյն կհաւատամք իրեն. թէ որ յոյ-

սը Աստուծոյ վրայ էր, թող Աստուած ազատէ զինքը՝ թէ որ իրեն հաճոյ եւ ընդունելի մարդ է. որովհետեւ ինքը ասաց թէ ես Աստուծոյ Որդին եմ: Չինուորներն անգամ ծաղրելով կասէին. Թէ որ դուն ես Հրէից թագաւորը, ինքզինքդ ազատէ: Մինչեւ Յիսուսի հետ խաչուած աւազակներուն մէկը անգաղար կհայհոյէր զՅիսուս ու կասէր. «Ո՛չ գու ես Քրիստոսն. փրկեա զանձն քո եւ զմեզ»: — Միթէ դուն մեծիան չես. ազատէ ինքզինքդ, զմեզ ալ ազատէ: Միւս աւազակը սաստեց ընկերոջն ու ասաց. «Ձեր կրնչիս գու յԱստուծոյ, զի ի նմին պատի կաս»: — Աստուծմէ չես վախնար դուն, որ մի եւ նոյն պատիժը կքաշես: Մեք յիրաւի մեր արածներուն փոխարէնը արժանապէս կքաշեմք. իսկ սա ամենեւին գէշ բան մի արած չունի Այնչափ լուսաւորուեցաւ հեղհեղէ բարի աւազակին միտքն որ ճանչցաւ Քրիստոսի ով լինելն ու ասաց Յիսուսի. «Յիշան զիս Տէր՝ յորժամ գայցես արքայութեամբ քով»: — Տէր իմ, երբոր քու թագաւորութեամբդ նորէն աշխարհք գաս, զիս մի մոռնար: Յիսուս պատասխանեց անոր. «Սմէն ասեմքեզ, այսօր ընդ իս իցես ի գրախաին»: — Հաւատա ինձի որ այսօր հետս պիտի լինիս արգարոց երանաւէտ կայանքը՝ յաւիտենական կենաց հանգըստութեանը մէջ:

Խաչին քովը կեցած էին Յիսուսի մայրը, եւ մօրաքոյրը (այսինքն Յովսեփայ Աստուածահօր Կղէովպաս եղբորը կինը) Մարիամ Կղէովպոյ եւ Մարիամ Մագդաղենացի: Յիսուս տեսնելով իւր մայրն ու սիրելի

աշակերտը Յովհաննէս, որ մօտ կեցած էր, ասաց մօ-  
րը. «Կին դու, ահա որդի քո». — Մայր իմ, ես մեռ-  
նելու վրայ եմ. ահա քեզ իմ տեղս որդի Յովհաննէ-  
սը: Յետոյ ասաց աշակերտին. «Ահա մայր քո». —  
Ահա սա քեզի մօր տեղ թող լինի, եւ իմ տեղս դուն  
հոգաս զինքը: Այն ժամանակէն աշակերտը իւր քովն  
առաւ զՏիրամայրը. որով յայտնի է թէ Աստուածա-  
հայրն Յովսէփ արգէն վախճանած էր: Տարակոյտ չը-  
կայ որ նաեւ ամենայն ճշմարիտ քրիստոսնեայ իրա-  
ւունք ունի յուսալու թէ խաչելեալ Փրկիչն մեր իւր  
ամենասուրբ մօրը խնամոցն ու պաշտպանո: Թեանը  
յանձներ է միշտ զինքը ու կյանձնէ. «Ահա որդի քո».  
Երանի մեզի՝ եթէ լսեմք եւ հասկընամք նաեւ մեզի  
ասած խօսքին զօրութիւնը թէ «Ահա մայր քո»:

Վեցերորդ ժամ՝ այսինքն կէսօր որ եղաւ, մութ  
կոխեց՝ խաւար ծածկեց բոլոր երկրիս երեսը՝ մին-  
չեւ իններորդ ժամը. արեւը բռնուեցաւ՝ սովորա-  
կան խաւարումներէն դուրս կերպով: Իսկ իններորդ  
ժամուն, այսինքն կէսօրէն երեք ժամ ետքը, Յի-  
սուս բարձր ձայնով կանչեց հրեարէն. «Էլի էլի,  
լնմա սաբաքթանի», որ սաղմոսին մէկ խօսքն է, եւ  
կնշանակէ, Աստուած իմ, Աստուած իմ, ինչո՞ւ թո-  
ղուցիր զիս: Մօտ կեցող զինուորնէրը հռովմայեցի  
լինելով, եւ լաւ չհասկընալով հրեարէնը՝ ասին իրա-  
րու թէ եղիա մարգարէն օգնութեան կկանչէ: Յի-  
սուս տեսնելով որ ամէն մարգարէութիւնները կա-  
տարուեցան, Սաղմոսին մէկ ուրիշ խօսքն ալ տե-  
ղը տանելու համար ասաց «Ծարաւի եմ»: Այն տեղ

ամանով մի քացախ կար. զինուորներէն մէկը վա-  
զեց, սպունգ մի թրջեց այն քացախով, վրան լեզի  
թափեց, փաթթեց զոպայով՝ որ ծորիւն ասուած  
խոտն է, եղեգի մի ծայրը անցուց եւ երկընցուց  
Յիսուսի որ ծծէ. մինչդեռ ուրիշները կասէին զի-  
նուորին թէ Թող տուր՝ տեսնեմք, կուգայ եղիան  
զինքը խաչէն վար առնելու: Յիսուս նորէն բարձր  
ձայնով աղաղակեց ու ասաց. «Հայր՝ ի ձեռս քո ա-  
ւանդեմ զհոգի իմ». — Հայր իմ, քու ձեռքդ կա-  
ւանդեմ իմ հոգիս: Այս ասելէն ետքը վար ծռեց  
աստուածային գլուխն ու աւանդեց սուրբ հոգին:

Իսկոյն տաճարին վարագոյրը վերէն վար ճեղքուե-  
ցաւ, գետինը շարժեցաւ, մեծամեծ քարերը պա-  
տրուեցան, դերի գմանն՝ բացուեցան եւ շատ ար-  
դար մարգկանց մարմիններ յարս թիւն առին, ու  
Յիսուսի յարութիւն առնելէն ետքը շատերուն երեւ-  
ցան վկայութիւն տալով որ յիւրաւի յարութիւն ա-  
ռաւ Փրկիչն մեր:

Իսկ հռովմայեցի զինուորներուն գլխաւորը, որ  
հարիւրապետ էր, երբոր տեսաւ այն ահաւոր երե-  
ւոյթները, եւ Յիսուսի այն կերպով հոգին աւանդելը,  
հաւատաց որ Յիսուս արդար էր, մեսիան էր, Աս-  
տուած եւ Որդի Աստուծոյ. «Արդարեւ այրս այս ար-  
դար էր եւ Ռդի Աստուծոյ»: Ժողովուրդներն ալ  
սարսափած՝ սկսան արտամութեամբ ու զղջումի դա-  
լով՝ ձեռքերնին կուրծքերնուն զարնել, եւ դառնալ  
իրենց աները. «Բախէին զլուրծս իւրեանց եւ դառ-  
նային»:



Հրէից օրէնքը արգելած էր որ ինչ եւ իցէ մեռած մարմին առանց թաղելու չմնայ գիշերը. եւ որովհետեւ օրն ալ ուրբաթ էր, եւ երկրորդ օրը շաբաթ ու զատիկ միանգամայն, ուստի գնացին Հրեայք Պիղատոսի աղաչեցին որ հրաման տայ խաչի վրայ կախուած մարմնոց ծուկերը ջարդելու, որպէս զի շուտով մեռնին: Զինուորներն եկան, երկու աւազակներուն ծուկերը ջարդեցին. իսկ երբոր Յիսուսի մօտեցան, տեսան որ դեռ նոր վախճանած էր, չզարկին. հապա զինուորներէն մէկը (որ Գունկիանոս կասուէր) ձեռքի տէգովը խօցեց Յիսուսի կողը, եւ խկոյն արին եւ ջուր ելաւ կողէն: Տարակոյս չկայ որ Յիսուսի մեռած մարմնէն արիւն եւ ջուր բղխիլը հրաշքով էր, եւ նշան էր ջուրը մկրտութեան խորհրդոյն, եւ արիւնը՝ սուրբ հաղորդութեան, ինչպէս որ կմեկնեն սուրբ վարդապետները, եւ ինչպէս Ենորհալի հայրապետն մեր կասէ.

„Քարոզի ի սքանչելեաց՝ Աստուած մարմնով վասն իմ խաչեալ.  
Մերով բնութեամբս մեռանի, Աստուած անմահ խոստովանի.  
Կրկնավրասկ կողին աղբերք եկեղեցի իւր հաստատի.  
Զրովն մ. քրի, զարիւնն ըմպէ, զՈրդի ընդ ձօր փառաւորէ“:

Իրիկուան դէմ Յովսէփ անունով Արեմաթացի բարեպաշտ իշխանը, որ Յիսուսի ծածուկ աշակերտներէն մէկն էր, գնաց խնդրեց Պիղատոսէն որ հրաման տայ իրեն Յիսուսի մարմինը խաչէն վար առնելու թաղելու: Պիղատոս զարմացաւ Յիսուսի այնպէս շուտ մեռած ին վրայ, վասն զի անով կհասկընար թէ ինչ սոսկալի չարչարանք քաշեր էր Հրեաներէն՝ խաչուե-

լէն առաջ ու ետքը, քօլը կանչեց հարիւրապետը, հարցուց իմացաւ որ յիրաւի այնպէս շուտով մեռեր է, եւ հրամայեց որ տան Յովսէփայ Յիսուսի մարմինը:

Յովսէփայ հետ եկաւ նաեւ նիկոզեմոս, որ նոյնպէս Յիսուսի հետեւող իշխաններէն մէկն էր. հարիւր լիարի չափ զմուռ՝ հալուէ եւ ուրիշ խնկեղէններ բերաւ. նոր ու մաքուր կառններ առին, իջեցուցին խաչէն Յիսուսի մարմինը, եւ անոնցմով պատեցին՝ ինչպէս որ Հրէից սովորութիւնն էր: Յիսուսի խաչուած տեղին մօտ պարտէզ կար, պարտիզին մէջ ալ նոր գերեզման մի՝ քարի մէջ փորուած, այն գերեզմանը գրին Յիսուսի անապական մարմինը, ահագին քար մի ալ գլորեցին՝ փակեցին անով գերեզմանին բերանն ու գնացին:



Երկրորդ առաւօտը, որ շաբաթ էր, գնացին Հրէից քահանայապետներն ու փարիսեցիները Պիղատոսին,

Տէր ասին, մտքերնիս ընկաւ որ այն մոլորեցուցիչը որ ջուր թեան ատենը ասած էր թէ երեք օրէն յարութիւն պիտի առնում. ուրեմն հրամայէ որ զինուորները պահպանութիւն անեն գերեզմանին մինչեւ երեք օր. չլինի թէ աշակերտներն երթան գիշերով՝ գողնան մարմինը գերեզմանէն ու ձայն հանեն ժողովրդեան մէջ թէ յարութիւն առաւ, կենդանացաւ. որով ժողովրդեան ետքի մոլորութիւնը առաջինէն ալ գէշ կլինի: Պիղատոս ձանձրացած լինելով հրէից անխիղճ եւ անգութ հնարքներէն՝ պատասխանեց անոնց. Չինուորներ ունիք ձեր ձեռքին տակը. գնացէք պահպանութիւն արէք ինչպէս որ գիտէք. նորա գնացին՝ գերեզմանին վրայ իրենց կնիքը զարկին, ու քովը քանի մի զինուորներ պահպան գրին:

Այս է ահա այսօրուան ահաւոր եւ սքանչելի տօնին խորհուրդը՝ ինչ կերպով որ սուրբ աւետարանին մէջ կպատմուի: Աւետարանին ամէն մէկ խօսքը մէկ-մէկ ընդարձակ քարոզի նիւթ է, եւ ազբիւր զանազան խրատուց որ բարեպաշտ քրիստոնէսը պէտք է անպատճառ քաղեն այսպիսի տօնախմբութենէ. բայց մեք բաւական համարիմք միայն այսքանը, եւ վերջացնեմք այսօրուան լսարանը՝ բացատրելով Աւագ Ուրբաթուս գլխաւոր արարողութիւնները:

Գիշերային ժամերգութեան սկիզբները առաջ սեղանին վրայ տասուերկու կերոն կվառուի, մէկ կերոն ալ մէջտեղը: Այս արարողութիւնը փոքր տարբերութիւններով կգտնուի նաեւ ուրիշ քրիստոնէից եկե-

ղեցիներուն մէջ. որով կիմացուի թէ շատ հին սովորութիւն է: Կերոններուն խորհուրդը թէպէտ զանազան կերպով կհասկընան ոմանք, բայց ամենէն հաւանական կարծիքն այս է թէ մէջտեղինը օրինակ է Քրիստոսի Տեառն մերոյ, միւսները տասուերկու առաքելոց: Այն միջոցին վեց գլուխ աւետարան կկարդացուի՝ Քրիստոսի մասնութեանն ու չարչարանացը վրայ, իւրաքանչիւրէն առաջ սաղմոսներ ասուելով, եւ «Այսօր անճառ» շարականին վեց վեց տունները երգուելով. եւ ամէն մէկ աւետարանին վերջանալուն՝ սեղանոյն վրայի կերոններէն երկերկու հասկանցրնեն կմարեն, առաքելոց վախճելուն կամ ցրուելուն նշան, եւ կմնայ միայն մէջտեղինը: Իսկ երբոր Տէր յերկնիցի շարականին երկրորդ տունը կերգեն որ կասէ թէ «Տեսեալ զՏէրն ի լոսչին՝ խաւարեցաւ արեգակն», այն կերոնն ալ կտանին սեղանին ետէր, եւ խաւարում կլինի եկեղեցւոյն մէջ: Խաւարման ժամանակը ըստ ինքեան անմիջապէս Փառքի բարձունս վսեմ առաքելական երգը պիտի երգեցուի ծանր եզանակով ու ցած ձայնով. բայց սեր եկեղեցին գրեթէ ամէն տեղ կնեւրէ ոչ միայն ողբական քարոզ մի տալ ժողովրդեան առաջ, այլ եւ Տէր ողորմեա երգել, եւ սրտաշարժ ողբեր ասել ի յորդոր ջերմեռանդութեան բարեպաշտից: Յետոյ երբոր Փառքի բարձունսին վերջի տունը երգելու տան կատուի, «Ծագեալ զողորմութիւնս քո որք ճանաչեն զքեզ Տէր», սեղանին ետեւի կերոնը դուրս կհանեն, եւ ժամերգութիւնը առաջ կտանին:

Կէսօրէն երեք ժամ առաջ կկատարուի Քրիստոսի Խաչելութեան եւ մահուան ժամերգութիւնը՝ սաղմոսներով, ընթերցուածներով, շարականներով եւ չորս գլուխ աւետարան կարդալով, որոց ամէն մէկուն խօսքերն ու խորհուրդները չեմք կրնար այսօր բացատրել: Իսկ իրիկունը՝ արեւուն մայրը մտած ժամանակը երեկոյեան ժամերգութենէն ետեւ կկատարուի Քրիստոսի թաղման հանգէսը եւ նախատօնակը՝ սուրբ խաչը մաքուր եւ բարակ կտաւով պատած՝ թափօրով քաղցընելով եկեղեցւոյ մէջ կամ եկեղեցւոյն մօտերը:

Աւագ ու բաթու ժամերգութեանց վերջէրը այս գեղեցիկ արարողութիւնս ալ կայ որ «Խաչի քօ Քրիստոս» հին ու գեղեցիկ շարականին երգուած միջոցին ժողովուրդը կհամբուրէ սօբը Խաչն ու աւետարանը, եւ այնպէս կարձրկուի. — Համբուրեմք ուրեմն եւ մեք ամենայն ջերմ: Բանգութեամբ եւ արտասուօք այն սուրբ խաչը՝ որոյ վրայ մեռաւ մեր մեղաց համար Քրիստոս Փրկիչն մեր. «Եկայք հաւատացեալք, երկրպագեցուք Քրիստոսի Աստուծոյ մերոյ. վասն զի եկն, ի ձեռն խաչին իւրոյ շնորհեաց պարգեւս աշխարհի»: Յիրաւի անգին պարգեւ շնորհեց այս աշխարհիս մէջ, եւ ի հանգերձեալն պարգեւ յաւիտենական փառաց եւ անսպառ երջանկութեան. որում արժանի անէ զմեզ ինքն Խաչելեալ Փրկիչն, ասելով իւրաքանչիւրոցս՝ ինչպէս որ ասաց երանեալ աւագակին, «Այսօր ընդ իս իցես ի գրախտին»: Նմա փառք յաւիտեանս. ամէն:

## ԾԱՆՈՒՅՈՒՄՆ.

Որովհետեւ այս հրատարակութեանս նիւթերը երկու գլխաւոր խումբ կբաժնուին, մէկը կրօնական եւ միւսը *arsuffin*, արժան դատեցինք՝ անուններով եւս զանազանել ասոնք իրարմէ, եւ կրօնականներուն վրայ աւելցընել ՔԱՐՈՋ անունը: — Յայտնի բան է որ այս զանազանութեամբ մեր աշխատասիրութեան ոչ նպատակը կփոխուի, ոչ լեզուն եւ ոչ ոճը. վասն զի *fauroq* անուանածներս ալ՝ գէթ ըստ մեծի մասին՝ պիտի լինին դարձեալ ընտանեկան ոճով պատմուած հոգեշահ պատմութիւններ, եւ առանց ճարտասանական զարդարանքներու տրուած խրատներ ըստ աւուրց պտտշահի. իսկ շարանները կմնան նոյնպէս պարզ եւ դիւրիմաց ոճով եղած բացատրութիւններ առ հասարակ ուսումնական, պատմական, աշխարհագրական, եւ ուրիշ արտաքին օգտակար տեղեկութեանց:

ԳԱՐԻ. ԵՂ. ԱՅՎԱԶԵԱՆ.

ՀՐԱՏԱՐԱԿԵԱԼ.

Աւագ Երկուշաբթի.  
Աւագ Երեքշաբթի.  
Աւագ Չորեքշաբթի.  
Երուսաղեմի առումն ու տաճարին կործանումը.  
Կոստանդնուպոլսոյ առումն յՍմանեանց.  
Աւագ Հինգշաբթի.  
Աւագ Ուրբաթ.

ՊԱՏՐԱՍՏՔ Ի ՏՊԱԳՐՈՒԹԻՒՆ.

Ղափիկ սուրբ Յարութեան Տեառն.  
Համբարձումն.  
Հոգեգալուստ.  
Վարդավառ.  
Վերափոխումն.  
Սուրբ Խաչ.  
Ծնունդ եւ Յայտնութիւն Տեառն.  
Տեառնընդառաջ.  
Բուն Բարեկենդան.  
Սուրբ Հոփսիմեանք.  
Սուրբ Գրիգոր Լուսաւորիչ.  
Որդիք եւ բոռունք սրբոյ Լուսաւորչին.  
Մեծն Ներսէս Պարբե.  
Սուրբ Սարգիս Զօրավար.  
Սուրբ Մինաս.  
Սուրբ Անտոն ճգնաւոր.  
Յոր երանելի.  
Թաղեոս առաքեալ, Ս. Սանդուխտ կոյս, եւ Ս. Շուշանիկ.  
Ժամ եւ ժամերգութիւն.  
Երկինք.  
Արեւն ու Մոլորակները.  
Զերմութիւն եւ Զերմաչափ.  
Մետեորագիտութիւն, կամ Գուշակութիւնք օդոց.  
Մրջինք եւ Սեղութ.  
Տնտեսութիւն.  
Եգիպտոսի սնութիւնները, եւ այլն :

Գին իւրաքանչիւր տետրակի 20 ֆոխ.



